



# Willy's Page

Willy Ackermann, Büesserach



## Sumpferlied 2000

(Melodie: Äs lit ä Shtedtli wunderhübsch)

**Z Büesserech du glaubsches nid  
triffsch du ä Gugge aa**  
(s isch immer so gsy...)

**Oktavesumpfer heisse-sy jä do isch alles draa!**  
(s isch immer s isch immer so gsy)

**Frogt öbber bim-ene Platzkonzärt  
wär das ächt chönnti sii?  
denn seit dämm jedes Ching im Dorf  
dass das doch "d Sumpfer" sii!**

### Refrain:

Die Allerbeschte siis im Tal für dyy und auf für myy  
(Dasch immer dasch immer äso gsi)

**2./Wenn-sy denn schränze do und dört  
sy d Fan jo au dr-by**  
(s isch immer s isch immer äso gsy)

**Meischt hed s kei Platz me i dr Beiz  
das muess allwäg so sy**  
(s isch immer s isch immer äso gsy)

**Dört schpehrscht denn Muul und Ohre uf  
verschlingsch so Shtück für Shtück  
du dänksch ä sone Gugge haa  
isch s'allergroschte Glück !**

### Refrain:

Die Allerbeschte siis im Tal für dyy und auf für myy  
(Dasch immer dasch immer äso gsi)

**3./ D Oktavesumpfer sy bekannt  
in "Playa wie z Zermatt"**  
(s isch immer so gsy s isch immer so gsy)  
**denn tuute – schränze – tschättere  
das finge alli glatt**  
(s isch immer s isch immer so gsy)

**Denn dänksch ä sone Gugge haa  
hei d Inschtrumänt au Bück  
für d Sumpfer-Fan vo Büesserach  
isch s'allergroschte Glück !**

### Refrain:

Die Allerbeschte siis im Tal für dyy und auf für myy  
(Dasch immer dasch immer äso gsi)

## Sumpferlied 1998

**Chum isch rächt d Fasnecht wach  
denn körsch du z Büesserach  
ä schränze scho wie wild  
git s no ä schöner s Bild  
wenn-is so ggesch und grad no körsch  
öis losch lo go – nid gar z fescht shtörsch**

**I Sääl und uf dr Shtroos  
säg isch s nid ganz famos  
wie alles grad blibt shtoo  
wenn-me körd d Sumpfer choo  
dä Sound kennt jede do am Bach  
äs ischr dr Sound vo Büesserach**

**Lueg a die Prachts-Koschtüm  
am beschte i dä Rüm  
mir schränze do und dört  
hoffe dass s niemer shtört  
und wenn das einisch doch so wer  
denn schränze mir hald eine mehr**

**Dä Sound darf nie verschtumme  
sy-sii jo so schnäll umme  
die lange lange Nächt...  
"wo isch dr 'Giger' ächt!"  
by Wy und Bier – das isch jo klar  
hockt d'Gugge längscht scho id dr Bar!**

**Drumm gang doch noni hei  
alls isch no uf dä Bei  
gly schränze häll und dumpfer  
wider d Oktaväsumpfer  
Bschtell no ä Bier und los-is zue  
bis wider cheslet chasch jo Rueh**

**"Wird-er denn blass – dr Morgestärn  
gö mir go 'närvä' s Mutti Kärn!!"**